庫全書

子部

漢武帝時丞相公孫弘言上 欽定四庫全書 古者作五兵非以相害以禁暴討邪也安居則以制 以為禁民母得挾弓弩上下其議吾丘壽王對 大三日重 武功類五 經濟類編卷五十九 **弭盗ニナ九** 1111 则 經濟類編 一賊礦弩百吏不敢前臣愚 明 馮琦馮瑗 撰 臣 茸

並 **戮墮名城殺豪傑銷甲兵折鋒刃其後民以耰鉏菶** 理 相撓擊犯法滋衆盗賊不勝至於赭衣塞路羣盜滿 故機變械飾所以相賊害之具不可勝數於是秦 生是以智者陷愚勇者威怯苟以得勝為務不顧 而備 以亂亡故理王務教化而省禁防知其不足恃也 下廢王道立私意滅詩書而首法令去仁思而任 無明王諸侯力政彊侵弱衆暴寡海内抗敞巧 非常有事則以設守衛而施行陣及至周室衰 詐

金好四月

なまし

賊之以攻奪也攻奪之罪死然而不止者大姦之於重 抗弓矢斯張射夫既同獻爾發功言貴中也愚聞聖 大射之禮自天子降及庶人三代之道也詩云大侯既 卷起白屋裂地而封宇内日化方外向風然而盗賊猶 合射以明教矣未聞弓矢之為禁也且所為禁者為盗 有者郡國二千石之罪非挾弓弩之過也禮曰男子 化三可巨 二十二 张莲矢以舉之明示有事也孔子曰吾何執執射乎 下昭明德建太平舉俊材與學官三公有司或由窮 經濟期編

本絕末鉤深之處也臣竊見元年以來盗賊連發攻亭 書曰小不可不殺詩云無縱詭隨以謹無良益所以崇 尚書陳忠獨以為憂上疏 安帝時百姓流亡盜賊並起郡縣更相飾匿莫肯糾祭 而廢先王之典使學者不得習行其禮大不便 誅固不避也臣恐邪人挾之而吏不能止良民以自備 源故隄潰蟻孔氣洩鍼芒是以明者慎微智者識幾 抵法禁是擅賊威而奪民救也竊以為亡益於禁 臣聞輕者重之端小者

金月四月五十

+

怠慢長更防禦不肅皆欲採獲虚名諱以盗賊為負雖 攻盗攻盗成羣必生大姦故亡处之科憲今所急至於 大章著不可掩者乃肯發露凌遲之漸遂且成俗冠據 有發覺不務清澄至有逞威濫怒無辜僵什或有跼蹐 通行飲食罪至大辟而頃者以來莫以為憂州郡督錄 刼掠多所傷殺夫穿窬不禁則致殭盗殭盗不斷 不敢申告鄰舎比里共相壓迮或出私財以價所亡其 欠足日单合野 伍轉相賦欽或隨吏追赴周章道路是以盗發之家 经海勤编 則為

暑而消息不協寒氣錯時水涌為變天之降異必有其 故所舉有道之士可策問國典所務王事過差令處煖 誅咎皆由於此前年渤海張伯路可為至戒覆車之 事自令殭盗為上官若他郡縣所糺覺一發部吏皆 金分正屋子書 其迹不遠蓋失之末流求之本源宜糺増舊科以防 以尉貶秩 粉刺史嚴加糺罰真以猛濟寬驚懼姦惡頃季夏大 等三發以上今長免官便可撰立科條處為記 等今長三月奉贖罪二發尉免官今長 Œ

克為所攻圖帝召公卿百官問以方略皆議遣大將發 |氣不效之意底有讓言以承天誠 順帝時侍御史賈昌與州郡并力討象林蠻區憐等 **尺三河尾公子** 其不可二也南州水土温暑加有瘴氣致死亡者 (楊兖豫四萬人赴之李固駁曰若荆楊無事發之 人卒被徵發遠赴萬里無有選期記書迫促必致 數被徵發如復擾動必更生患其不可一也又死豫 州盗賊磐結不散武陵南郡蠻夷未輯長沙桂 經濟期編 11

所在死亡必衆既不足禦敵當復更發此為刻割心腹 吏驢馬之食但負甲自致費便若此其不可五也設 復堪關其不可四也軍行三十里為程而去日南九 餘里三百日乃到計人禀五升用米六十萬斛不計將 七也前中郎將尹 :治不堪何况乃苦四州之卒以赴萬里之 四五其不可三也遠涉萬里士卒疲勞比至嶺南 四支其不可六也九真日南相去千里發其吏 就計益州叛羌益州諺曰虜來尚 製哉其不

剑贞四周全章

ł

次足可氧 A 馬 悉從固議即拜祝良為九真太守張喬為交趾刺史喬 哀帝即拜龔含為泰山守宜即拜良等便道之官四府 州有破虜之功皆可任用昔太宗就加魏尚為雲中 至開示慰誘並皆降散良到九真單車入賊中設方略 旬月之間破殄冦虜此發將無益之効州郡可任之驗 共住交阯故弁州刺史祝良性多勇決又張喬前在益 也宜更選有勇略仁惠任將帥者以為刺史太守悉使 可尹來殺我後就徵還以兵付刺史張喬喬因其將吏 經濟類編

軍之後東之函谷據院高望今果已 體騰竦今西羌逆類私署將即皆多段頹時吏晓習 者不能言安心之痛者不能緩聲寫見天下前遇張角 金グロルノコモ 亂後遭邊草之冠每聞羽書告急之聲心灼內熱四 |帝時天下日危冦賊方熾劉陶上疏 以威信降者數萬人皆為良築起府寺由是嶺外 知山川變詐萬端臣常懼其輕出河東馮翊鈔西 基五 +)攻河東恐遂轉更 臣聞事之 急 戰

四方動搖威之不來叫之不應雖有田單陳平之策計 將軍張温天性精勇而主者旦夕迫促軍無後殿假令 前關生之計西冠侵前去管咫尺胡騎分布已至諸陵 付主者留連至令莫肯求問令三郡之民皆以奔亡南 **豕突上京如是則南道斷絕車騎之軍孤立關東破膽** 欠1日月 三 出武關北從壺谷氷駭風散唯恐在後令其存者尚十 無所用臣前驛馬上便宜急絕諸郡賦調冀尚可安事 三四軍吏士民悲愁相守民有百走退死之心而無 經濟期編

書告示各使安其資業拍撫荒散蠲復徭役誅斬渠帥 單京師遙遠告冤無所民不聊生故聚為盗賊琮即移 交阯土多珍货前後刺史多無清行故吏民怨叛執刺 國安則臣家其慶國危則臣亦先亡也 失利其敗不救臣自知言數見厭而言不自裁者以為 .刺史琮到部訊其反狀咸言賦飲過重百姓莫不空 及合浦太守來達自稱柱天將軍三府選買張為交 大害者簡選良吏試守諸縣歲間荡定百姓以安卷

金げせん

ħ

隨 **弢為益州小吏盗用庫錢父死不犇喪卿本佳** 尺三百百 :潰遁走道死侃與南平太守應詹進克長沙湘州 陶 為之歌 之天下寧有白頭賊耶貢初横脚馬上聞侃言飲容 琰以資望鎮倉稽 侃與杜弢相攻改使王貢出挑戰侃遙謂之 侃知可動復遣使諭之截髮為信貢遂降於侃弢 ---曰贾父来晚使我先及今見清平吏不敢 不能綏懷又不為武備諸將咸 超海影輪 と 何 回 為 飯

金分四月子言 賊而後食因跨馬出戰兵敗為帳下都督張猛所殺呉 一行堅之很百萬尚送死淮南孫思小賊敗死入海何 海朝廷大震遣冠軍將軍桓不才輔國將軍孫無終寧朔 復出若其果出是天欲殺之也既而恩寇浹口進及 興太守庾桓恐郡民復應恩殺男女數千人恩轉冠臨 浦琰遣參軍劉宣之擊破之恩退走少日復冠那浦官 日賊近在海浦伺人形便宜開其自新之 失利恩乘勝徑進至會藉琰尚未食曰要當先滅此 路琰不從 能 邢 回

在冠盗羣起嗣引八公議之曰朕欲為民除蠹而守军 大足可軍心告 土不樂內徙長史逼遣之於是無賴少年逃亡相聚所 宏曰聖王之御民務在安之而已不與之較勝負也 之是為上者及求於下也不如誅其首惡赦其餘黨崔 以安之何如元城侯拓跋屈曰民逃亡為盗不罪而赦 不能經撫使之紛亂令犯者既聚不可盡誅吾欲大赦 魏主嗣以郡縣豪右多為民患悉以優諂徵之民戀 經濟類編

將軍高雅之拒之

代之自然安靖但須一部而已不煩發兵自防使之懷 **陜泰二州兵送之崇辭曰邊人失和本怨刺史令奉詔** 荆州巴氏擾亂魏以李崇為荆州刺史崇將之鎮敕發 岩 赦 民夷帖然崇命邊戍掠得齊人者悉還之由是齊人亦 于栗彈將騎 金ゲロガイミ 也魏朝從之崇遂輕將數十騎馳至上洛宣的慰諭 雖非正可以行權屈欲先誅後赦要為兩不能去曷 赦而遂定乎赦而不從誅未晚也嗣從之遣將軍 一萬討不從命者所向皆平 卷五十九

雄上疏以為夷夏之民相聚為亂豈有餘憾哉正以守 耗竭豫徵六年祖調猶不足乃罷百官所給酒肉又稅 其後諸州皆效之自崇始也盗賊日滋征討不息國用 發之處亂擊之旁村始聞者以一擊為節次二次三俄 還其生口二百許人二境交和無復烽燧之警久之徒 Calmin Little 頃之間聲布百里皆發人守險要由是盗發無不擒獲 入市者人一 兖州刺史兖土篟多劫盗崇命村置一 錢及邸店皆有稅百姓嗟怨吏部郎中 經濟類編 楼楼皆懸鼓盗

張金稱平原郝孝德河間格謙渤海孫宣雅各聚农攻 隋煬帝時所在盗起齊郡王簿孟讓北海郭方預清河 暴自息矣魏主不聴 官 地先才不得拘以停年三載點陟有稱職者補在京名 分 如不歷守令不得為內職則人思自勉枉屈可申 郡縣為三等清官選補之法妙盡才望如不可並後 縣選舉由來共輕貴遊儁才莫肯居此宜改其弊

今不得其人百姓不堪其命故也宜及此時早加慰撫

五十九

好四周在書

氣彌厲會城中兵至城稍卻須险督根擊之敗走郭方 暇集兵率五騎與戰賊競赴之園百餘重身中數創勇 孫宣雅郝孝德等十餘萬攻章兵須陁即步騎二萬擊 他得士 飛心勇決善戰將郡兵擊王簿大破之簿北連 預等合軍攻陷北海大掠而去須随謂官屬曰賊恃其 剽多者十餘萬少者數萬人山東苦之天下承平日久 之賊衆大敗賊帥裴長才等聚二萬掩至城下須陁未 人不習兵郡縣吏每歲賊戰望風沮敗惟齊郡丞張須 プローラ とこ 经济期的

賊 孝友窘廹出降須陁威振東夏以功遷通守領河南道 擊大破之歷城羅士信年十四從須陁擊賊於維水 稍承之揭以畧陳賊徒愕貽莫敢近須随因引兵奮 賊很大潰須陁嘆賞引至左右每戰須陁先登 謂 郡賊帥左孝友很十萬屯蹲狗山張須陁列營逼之 始布陳士信馳至陳前刺殺數人斬 郡無陟討捕大使涿郡城帥盧明月東十餘萬軍 我不能救吾今速行破之必矣乃簡精兵倍道 人首擲空中 淮

쉷

贞四届全書

影五十九

樓各殺數人營中大亂二 月悉衆追之士信叔寶馳至其柵 利 回 賊見吾退必悉聚來追若以干 阿 明 於是須险委棚而遁使二 此誠危事誰能往者聚莫對唯羅士信及秦叔寶 須陁將萬 月 以數百騎過去所俘斬無算 柳烟焰漲天明月奔還須陷田軍焚擊 经存购记 相持十餘 斬關以納外兵因縱火焚 (分將千兵伏葭葦 人襲據其管可有 日糧盡將退調將士 門閉 升 請

戰未曾負敗至是太僕楊義臣討張金稱義臣引兵據 郡盗冠掠河北屠陷郡縣隋將帥敗亡相繼惟虎責中 欽定匹庫全書 白館陶濟 郎將王辯清河郡丞楊善會數有功善會前後七百餘 來我當必戰金稱易之 水濟渠為營去金稱營四十里深溝髙壘不與戰金 引兵至義臣勒兵禄甲約與之戰旣而不出如是月 ,金稱以為怯屢逼其營署辱之義臣乃謂曰汝明旦 河伺金稱離營即入擊其輜重金稱引還義 卷五十九1 不複設備義臣簡精騎

達曰歷觀隋將善用兵者無如義臣令減張金稱而來 為軍司馬悉以兵授之建德請士達守輜重自簡精兵 將兵討高士達士達自以才略不及實建德乃進建德 善會擒殺之諂以善會為清河通守時涿郡通守郭絢 張金稱餘飛片歸建德楊義臣乘勝欲討之建德謂士 拒約詐為與士達有隊而叛遣人請降於絢願為前驅 臣從後擊之金稱大敗與左右逃於清河之東月餘楊 自效絢引兵隨之至長河建德襲之殺數千人斬約首 <u>+</u>

士疲倦然後乘間擊之乃可破也不然恐非公之敵士 者為士達發丧軍復大振自稱將軍先是羣盗得隋官 達不從留建德守營自帥精兵遂擊義臣戰小勝因縱 其鋒不可當請引兵避之使其欲戰不得坐費歲月將 百餘騎亡去至饒陽乘其無備攻陷之收兵得三千餘 不人矣後五日義臣大破士達斬之其兵皆潰建德與 酒高宴建德聞之曰東海公未能破敵遽自於大禍至 (義臣以建德不足憂引去建德還平原收散兵基死

欽定匹庫全書

義臣放散其兵賊由是復盛治書侍御史韋雲起劾奏 及士族子弟皆殺之獨建德善遇之由是隋官稍以城 北 賊數十萬列狀上間帝嘆曰我初不聞賊頓如此義 為妄言由是盜賊徧海内帝皆弗之知楊義臣破降 聞盗賊諸將有告敗求救者皆不以聞或挾其使者以 降之聲勢日盛兵至十餘萬人內史即虞世基以帝惡 . 降賊何多也世基對曰小竊雖多未足為虞義臣克 擁兵不少人在間外此最非宜帝曰卿言是也遽追

賊 民之所以為盗者由賦繁役重官吏貪求饑寒切身故 實左遷大理司直 唐太宗與羣臣論止盗或請重法以禁之太宗哂之曰 E 民衣食有餘則自不為盗安用重法耶自是數年之後 世基及御史大夫裴藴職典樞要四方告變不為奏聞 暇 滋請討有司詰正其罪大理卿鄭善果奏雲起言不 多言少致發兵不多往皆不克故使官軍失利賊黨 '顧廉耻耳朕當去奢省費輕徭薄賦選用廉吏使

欽定四庫全書

卷五十九船消期解

食宿託以詰盗比及東都士馬萬數不亡一錢 太后時始安孫歐陽情擁很數萬攻陷州縣思得良史以 髙宗命監察御史魏元忠檢校元忠閱赤縣獄得盗 海内升平路不抬遺外户不閉商旅野宿馬 鎮之朱敬則稱司封郎中裴懷古有文武才制以懷古為 福倩等迎降且言為吏所侵逼故舉兵自救耳懷古輕 神采語言異於聚命釋在档襲冠帶乘驛以從與共 州都督仍充招慰討擊使懷古幾及嶺上飛書示以禍

家賊事其賊無城郭可居依山傍險自稱洞主尋常亦 卿人未平國子祭酒韓愈上言臣去年貶嶺外熟知黄 穆宗時容管奏破黄少卿萬餘衆拔管柵三十六時少 跃 各營生急則屯聚相保比緣邕管經略使多不得人 騎赴之左右曰夷孫無信不可忽也懷古曰吾仗忠信 通神明而况人乎遂詣其營賊衆大喜歸所掠貨財 不能綏懷威又不能臨制侵欺虜縛以致怨恨遂攻 洞酋長素持两端者皆來執附嶺外悉定

欽定四庫全書

十四

單弱爭獻謀計自用兵以來已經二年前後所奏殺獲 來賊徒亦甚傷损察其情理厭苦必深賊所處荒僻假 不能為事近者征討本起裝行立陽旻此兩人者本無 足明欺罔朝廷邕容兩管經此凋弊殺傷疾疫十室 遠慮深謀意在邀功求賞亦緣見賊未屯聚之時將謂 欠足四事全等 一 州縣侵暴平人或復私警或貪小利或聚或散終亦 如此不已臣恐嶺南一道未有寧息之時自南討 不下二萬餘人儻皆非虛賊已尋盡至今賊猶依舊 經濟數編 **+ 5**

· 煦濡飲食之惠提童子之手坐之堂上奉以為帥出死 韓愈與鄂州柳中丞書 不能用 信者為經略使茍處置得宜自然水無侵叛之事穆宗 金リロ 念淮右以靡弊困頓三州之地蚊蚋蟻蟲之聚感兇豎 大慶赦其罪戾遣使宣諭必望風降伏仍為選擇有威 如盡殺其人 以抗逆明詔戰天下之兵乘機逐利四出侵暴屠燒 11111 (盡得其地在於國計不為有益岩因改元 卷五 t 愈愚不能量事勢可否比常

縣邑賊殺不辜環其地數千里莫不被其毒洛汝襄荆 間與士卒均辛苦生其氣勢見將軍之鋒頹凛然有向 者獨閣下奮然率先揚兵界上將二州之守親出入行 許頳淮江為之騷然丞相公卿士大夫勞於圖議握兵 **火足四車台馬** 敵之意用儒雅大字章句之業取先天下武夫闌其口 而奪之氣愚初聞時方食不覺棄之箸起立豈以為閣 之將熊羆貙虎之士畏懦踬蹜莫肯杖戈為士卒前行 下真能引派軍單進與死冠角逐爭一旦僥倖之利哉 經濟類編

地 師 益增欣悚夫一 風采可畏爱故也是以前狀報述鄙 就令如是亦不足貴其所以服人心在行事適機宜而 金月川 冠安足置齒牙問勉而卒之以俟其至幸甚夫遠徵軍 有饋餉煩费之難地主多姑息形迹之患急之則怨緩 甲兵足用雖國家故所失地自歲可坐而得况此小 行者有羇旅離别之思居者有怨曠騷動之憂本軍 不出是道閣下果能充其言繼之以無倦得形便之 j 17711 **聚人心力耳目使所至如時雨三代** Ā ħ 誠眷惠手翰還答

萬不如召募數千閣下以為何如償可上聞行之否計 業厚其生使庶耻大與貧暴者息故舜舉皐陶不仁者 白居易去盗賊對 敢恐駭難以有功若召募土人必得豪勇與賊相熟知 已與裝中丞相見行營事宜不惜時賜示及幸甚 其氣力所極無望風之驚愛護鄉里勇於自戰徵兵滿 則舉有德選有能使教化大行姦完者去次又安其 則不用命浮寄孤懸形勢銷弱又與賊不相諳委臨 臣聞聖王之去盗賊也有二道馬

賢德使國無倖人自然產讓風行姦濫日息則重門 爱人之誠廣諭稱善之古厚其生業使俗知 耻格舉其 乎無乃陛下之吏有非循良明白者乎伏惟陛下大推 也由是觀之則俗之貪產盗人有無繫於人之勞逸吏 遠晉用士會盗奔於秦此舉德選能之效也咸康阜 穿窬者或縱於鄉間無乃陛下之人有多窮困凍餒者 之賢否也方今科禁雖嚴桴皷未靜致數時聞於道路 俗禮讓與行丈景冨其人盗賊衰息此安業厚生之驗

欽定四庫全書

郾 也 郾 文宗以崔郾為鄂岳觀察使鄂岳地囊山帶江處百越 蜀荆漢之會土多羣盗剽行舟無老幻必盡殺乃 俗標狡為奸非用威刑不能致治政貴知變蓋謂 為治或經月不笞一 於擊柝外户庶見於不高者矣 至訓卒治兵作紫衝追討歲中悉誅之郾在陝 曰陝土齊民貧吾撫之不暇尚恐其驚邪地險民雜 人及至鄂嚴峻刑罰或問其故 以電

為平 彎弓待之潼屏左右直前曰我面受詔赦汝罪使汝復 者武臣耻不戰之功議者責欲速之效耳潼至山中盗 劉潼詣果州招諭之潼上言請不發兵攻討且曰令以 甚崔鉉曰此皆陛下赤子廹於饑寒盗弄陛下兵於谿 谷間不足辱大軍但遣一使者可平矣乃遣京兆少尹 山南西道節度使封敖奏巴南妖賊言辭悖慢宣宗怒 日月之明燭愚迷之农使之稽額歸命其勢甚易所慮 《聞汝木弓射二百步令我去汝十步汝真欲

欽定四庫全書

州縣兵少人不習戰每與盗遇官軍多敗至是王仙多 使 欠己の巨心的一 **聚應之攻剽州縣民之困於重飲者爭歸之數月之 聚東數千人起於長垣王竟句人黃巢善騎射喜任俠** 懿宗奢侈日甚用兵不息賦飲愈急闡東連年水旱州 者可射我賊皆投弓列拜請降潼歸館而王贄弘與中 麓涉書傅屢舉進士不第遂與仙芝共販私鹽至是 似先義逸引兵已至山下竟擊滅之 不以實聞百姓流殍無所控訴相聚為盗所在蜂起 經濟期的

誅之令仙芝小賊非魔動之比赦罪除官益長姦宄 開城延仙芝及黄巢革三十餘人入城置酒大陳貨賄 以贈之表陳其狀諸宰相多言先帝不赦魔動养年卒 說刺史裴渥渥與仙芝約欽兵不戰許為之奏官渥乃 **東至數萬** 即斬州授之仙送得之甚喜黄巢以官不及已大 固請許之乃以仙芝為左神策軍押牙遣中使以告 始者共立大誓横行天下令獨取官赴左軍使此五 王仙芝攻斬州王鐐在賊中為仙芝以書 秘

金灯匠匠

4

五十

畏聚怒遂不受命大掠斬州城中之人半驅半殺焚其 廬舎渥奔鄂州敕使奔襄州錄為賊所拘賊乃分其軍 西 千餘聚安所歸乎因毆仙芝傷首其衆諠課不已仙芝 **できま** 千餘人從仙芝及尚君長二千餘人從巢各分道而 川節度使崔安潛到官不詰盗蜀人惟之安潛曰盗 煩擾出庫錢千五百絡分置三市置勝其上曰有能 所由通客則不能為今窮數則應坐者很搜補則徒 7:41 經濟類編 Ť

受賞矣汝既為所先死復何辭立命給捕者錢使盗 耳安潛曰汝既知吾有胯何不捕彼以來則彼應死汝 我同為盗十七年贓皆平分汝安能捕我我與汝同 金分四月全書 無地容足夜不及旦散逃出境境內遂無一人之盗 宋太宗以王晏有拒北漢之功其鄉里在滕縣徙晏為 然後問盗於市弁減其家於是諸盗與其侶互相疑 其罪賞同平人未幾有捕盗而至者盗不服曰汝 盗賞錢五百縣盗不能獨為必有侣侣者告捕 五十九 相 死

盗 帛鞍馬謂曰吾鄉素名多盗昔吾與諸君皆嘗為之想 武寧節度使晏少時嘗為羣盗至鎮悉召故黨賄之 之或親戚為之首則論其徒侶而赦其所首者如此 實儼上疏請今盗賊自相糾告以其所告貲産之半 為者吾必族之於是一 砰 後來者無能居諸君之右諸君幸為我語之使勿復為 許之 不能聚矣又新鄭鄉村團為義營各立將佐一 境清肅徐州人請為之立衣錦 一户為 金 貴 则

由是决行深入大致克捷時冠掠之際民多脅從訴論 師 盗累其 行當平蕩醜類若老師曠日即此地還為爾死所矣正 至勉正等親行臨發舉酒屬軍校曰兩曹家國厚恩此 太宗時王繼恩上官正宿翰等總兵討賊漸有成功頻 獨清請令它縣皆效之亦止盜之一 不進事務飲博其下恣横剽掠餘冠勢復張大張詠 丁壯雲集盗少民多無能脫者由是鄰縣充斥而 村 户被盗罪其 將每有盗發則鳴鼓舉 術也

欽定四庫全書

教授 五种

有餘積乃下其估聽民以米易鹽未踰月得米數十 电兵尚三萬人無半月之食該知民間舊苦鹽貴而原 化贼為民不亦可乎有諜訴者詠灼見情偽立為判决 以恩信使各歸田里且曰前日李順脅民為賊令日吾 斛詠度有二歲備乃奏罷陜西糧運帝聞之喜曰此 劉敞忠盗論 何事不能了吾無憂矣 入皆厭服其為政恩威並用蜀民畏而愛之先是城中 盗有源能止其源何盗之患衣食不足

竊 也 亂 源慢則探囊發篋而為盗矣二源慢則操兵刃劫良民 盗之源也政賦不均盗之源也教化不修盗之源也 盗有源也豐世無盗者足也治世無賊者均也化世 欽定四庫全書 死念無以生以謂坐而待死不若起而圖生也且 而為盜矣三源慢則攻城邑略百姓而為盜矣此所 者順也令不務衣食而務無盜賊是止水而不塞源 财者刑傷人者死其法重矣而盗不為止者非不 不務化盗而務禁盗是縱焚而救以升龠也且律 发殷 丘浒 **瓜丘十九**粒涛 躺 無 謂

益也令有司本源之不恤而倚辨於牧守此乃臧文 以法持之使留也若夫衣食素周其身廉耻夙加其心 上以法驅之使為也其不欲出也非其自不欲出由 為民乃甚苦為盗乃甚逸也然其盗非其自欲為之由 其恩深矣而盗不應募非不願生也念無以樂生以謂 凡盗賊能自告者除其罪或賜之衣裳剱帶官爵品秩 惟恐不得齒良人何敢然哉故懼之以死而不懼勘 以生而不勘則雖煩直指之使重督捕之科固未有 经济频的

火 **金定四库全書** 命之敞殆復起矣若乃尚摘發之術任巧誦之數者未 猶 肵 三年之食然後可教以禮義今所以使衣食不足政 無盗乎盍亦反其本而已矣爰自元昊犯邊中國頗 以絕姦而欲雍因以見殺於晉故仲尼有言聽訟吾 也使無戰乎引而伸之亦曰禁盗吾猶人也必也使 均教化不修者牧守乎哉吾恐未得其益而漢武 人也必也使無訟乎推而廣之亦曰用兵吾猶 以辭不能詰也凡人有九年耕然後有三年之食有 賦 世

盗 常顧用之何如耳乃先遣使抬諭之其黨黃佐曰岳節 日子 使號令如山岩與戰萬無生理不如往降節使誠信必 善遇我遂降飛表授佐武義大夫單騎按其部拊佐背 於是令州郡盗發而不報得者長吏坐之欲重其罪予 尺已可且 岳飛奉命討楊么所部皆西北人不習水戰飛曰兵何 山東尤甚天子使侍御史督捕且招懷之不能盡得 謂未盡於防故作此論 知逆 とまう 順者果能立功封侯豈足道欲復遣子歸湖 1 經濟類編 二十四一

殺之飛上其功運武功大夫統制任士安不受王慶令 孝人也兵有深機胡可易言益慙而止黃佐襲周倫皆 銀分四 伏士安戰急伏四起擊賊賊走會朝古召張浚還防秋 無功飛鞭士安使餌賊曰三日賊不平斬汝士安宣言 飛袖小圖示沒沒欲俟來年議之飛曰已有定畫都督 岳太尉兵二十萬至矣賊見止士安軍併力攻之飛設 報時張浚至潭州席益疑飛玩冠欲以聞浚曰岳侯忠 視其可乘者擒之可勘者招之如何佐感泣誓以死 月年記

口賊 師 助 能 こうう 所短攻所長是以難若以敵將用敵兵奪其手足之 諸酋沒許之飛遂如門州黄佐招楊欽來降飛喜曰 離其腹心之托使孤立而以王師乘之八日之内當 少留八日可破賊沒回何言之易飛曰王四廂以王 乃復遣歸湖中兩日欽說全珠劉說來降飛說罵欽 **欽聽悍既降敵腹心潰矣表授欽武義大夫禮遇甚** 攻水冠則難飛以水冠攻水冠則易水戰我短彼長 不盡降何來也杖之復遣去是夜掩賊營降賊聚 LIL 經濟類編 Ī

且行且罵賊怒來追則草木壅塞舟輪礙不行飛急擊 置撞竿官舟迎之軟碎飛伐君山木為巨筏塞諸港汉 數萬太負固不服方浮舟湖中以輪激水其行如飛旁 老弱歸田籍少壯為軍果八日而捷書至渾浚嘆曰岳 又以腐木亂草浮上流而下擇水淺處遣善罵者挑之)贼奔港中為筏所拒官軍乘筏張牛革以敵矢石舉 神也俱請降眾凡二十餘萬飛親行諸岩慰撫之 木撞其舟盡壞太技窮赴水死飛入賊壘餘倉縣曰

敛定匹库全書

にこうる 盗 皆徴諸 格督責所屬期至盡減乃詔諸人能告補者强 因曰欲犯我者除是飛來至是人以其言為識云 **侯神筭也黄誠斬楊太首挾鍾子儀周倫詣浚降湖湘** 悉平初太恃其險官軍自陸襲則入湖水攻之則登岸 元成宗時御史臺臣言內地盗 賊衆多乞立條 訪 名賞鈔五十贯竊盗半之應捕者又半之 使陳天祥上疏曰盗賊之起各有所因除 1.4.5 犯人無可徵者官給之時山東東西道 經濟額編 £

歳 徒 其 凶 興 是 殘悖逆性已頑定誠非善化 執兵殺人有司盡力以擒之 厚飲煩 制之可也天祥既上疏 旦脱緊果暮即行切氏 凶該之天時宜且勿論 部南至漢江二千餘里多就擒者 也赦者小人之幸君子之 刑皆足致盗中 間 如軍 乃嚴督有司追捕 不感恩又不畏法夫 保護滋長之者赦 所 旅不息工役 朝 不幸彼 能移惟嚴 廷 加 恩以釋 强 梁之 自 洊 刑

多近四

母生書

表五十九

思公如枯旱之望雨公為朕鎮撫河東汾上之師必不 郭子儀間廣逼邠州遣其子晞將兵救之虜攻之不克 患子儀斬十四人杖三十人府中遂安 子儀至河中雲南子弟萬人戌河中將貪卒暴為一 恩將士聞之皆曰吾輩從恩為不義何面目見汾陽王 為變乃以子儀為關內河東副元帥河中節度等使懷 唐代宗謂郭子儀曰懷恩父子貧朕實深聞朔方將士 定亂十三則

次定四軍全書 一人

. 經濟期納

ラナと

老卒何甲也吾戴吾頭來矣晞出秀實讓之曰副元帥 患之而不敢言段秀實自請補都虞侯晞軍士入市 老躄者一人馳馬至晞門甲者出秀實笑且入曰殺 及還又攻之不克遂遁晞在邠州縱士卒為暴白孝德 罪及副元帥郭氏功名其存者幾何言未畢晞再拜曰 勲塞天地當念始終令常侍縱卒為暴行且致亂亂則 酒刺酒翁壞釀器秀實列卒盡取其首注架上植市門 管大課盡甲孝德恐秀實口無傷也請往解之選

ヨシビノ

卷五

實因留宿軍中旦俱至孝德所謝 此亦救京師之一奇也大達進攻靈州懷恩遽歸夜襲 監軍柏文達曰君將之以攻靈武則懷恩有返顧之慮 僕固懷恩之南冦也河西節度使楊志烈發卒五千謂 次定四車全書 一人 陝虢兵馬使達奚抱暉鴆殺節度使張勸代總軍務邀 文達大破之文達將餘衆歸哭而入志烈迎之曰此行 公幸教晞以道敢不從命叱左右皆解甲敢詳者死秀 有安京室之功卒死何傷 · 經濟新編

與臣同辭偕行使陝人知之亦 送之泌曰陝城三面懸絕攻之未可以歲月下也臣請 以單騎入之且令河東全軍屯安邑馬燧入朝願敕 曰若蒲陜連衡則猝不可制而水陸之運皆絕矣不得 用卿寧失陕州不可失卿當更使他人往耳對曰 煩 猶豫遷延必不能入上乃許之泌見陜州將更在長 卿 往乃以必為都防禦水陸運使欲以神策軍 勢也上曰錐然朕 他 燧

求旌節且陰召李懷光將達奚小俊為援徳宗謂李

Ę

節矣抱暉稍自安泌與馬燧疾驅而前將伍不俟抱暉 **令督江淮米以赈之令當使抱暉將行營有功則賜旌** 安者語之曰主上以陝號饑故不授泌節而領運使 矣由是反仄者皆自安沁但索簿書治糧儲明日召抱 易帥之際軍中煩言乃其常理必到自妥貼矣不願聞 之命來迎泌笑口吾事濟矣去城十五里抱暉亦出謁 腪 **泌慰撫之抱暉喜泌視事廣佐有請屏人白事者泌目** 語之曰吾非爱汝而不誅恐自今有危疑之地朝廷 Ĭ . . . 煙碎問 Ė

兵馬使林滔等五人送京師抱暉遂亡命不知所之 遣抱暉餘不足問上復遣中使必使誅之泌不得已械 備甚嚴攻之曠日持久我當身往諭之遂徑造城下呼 馬燧與諸將謀曰長春官不下則懷光不可得然其守 也上籍陜将預于亂者七十五人授泌使誅之泌奏已 使慎無入關自擇安處潛來取家保無他也沁之辭行 所命將即皆不能入故留汝餘生汝為我齋版幣祭前 欽定匹庫全書 其守將徐庭光庭光即將士羅拜城上燧知其心屈徐 71 卷五十九

第堅守勿出皆曰諾燧等遂進逼河中懷光舉火諸營 曰汝曹狗國立功四十餘年何忽為滅族之計從吾言 謂之曰我自朝廷來可西向受命庭光等復西向拜燧 矣渾瑊謂僚佐曰始吾謂馬公用兵不吾逮也令乃知 降燧以數騎入城慰撫之其衆大呼曰吾輩復為王人 何不射我將士皆伏泣燧曰此皆懷光所為汝曹無罪 非止免禍富貴可圖也聚不對燧披襟曰汝不信吾言 不應縣元光使人招庭光庭光罵辱之及燧還乃開門 理蘇問編

欽定匹庫全書 鑒出迎晟與之並轡而入道舊結歡希鑒妻李氏以叔 晟遣腹心將彭令英等戍涇州晟尋託巡邊詣涇州布 |兵防援又未知田尚書意使者歸以告希鑒果請援兵 者口涇州逼近吐稽萬一入冠州兵能獨禦之乎欲遣 李晟初至鳳翔涇原節度使田希鑒遣使祭候晟謂使 城擐甲矣又曰東城捉隊矣須與軍士皆易其號為太 吾不逮多矣妙師諸軍至河西河中軍士自相熊曰西 平字懷光不知所為乃縊而死 卷五十九

栗無敢動者 希鑒不復疑晟伏甲而宴之既飲彭令英引涇州諸 父事晟晟謂之田郎命具三日食曰巡撫畢即還鳳翔 不得無過引出縊殺之入其營諭以誅希鑒之意衆 元載以土蕃連崴入鬼馬璘以四鎮兵屯邠寧力不能 堂晟曰我與汝曹外别可各自言姓名於是得為亂 而郭子儀以朔方重兵鎮河中深居腹中無事之 石竒等三十餘人數其罪而斬之顧希鑒曰田郎 j 1.11 屋新陶业 Ė

城 帛以助之諸將皆以為然徒璘為涇原節度使璘先往 乃與子儀及諸將議徙璘鎮涇州而使子儀以朔方兵 久羇旅數遷徒勞弊怨誹兵馬使王童之謀作亂期 以其失節令每更來白輛延之數刻遂四更而曙童 ·酉旦警嚴而發前夕有告之者秀實陽召掌漏者怒 涇州以都虞候段秀實知邠州留後初四鎮北庭兵 不果發告者又云令夕欲焚馬坊草因救火作亂 邠州曰若以邊土荒殘軍費不給則以內地租稅 金

多定匹庫全書

卷五十九

管伍百姓各守其家有離立偶語於衛路報執而囚之 馬璘疾鱼以行軍司馬段秀實知節度使秀實嚴兵以 嚴守要害童之曰請救火不許及旦捕童之及其黨 夕火果發秀實命中軍行者皆止坐者勿起各整部伍 妾子孫位於堂宗族位於庭將佐泣於前牙士卒哭於 備非常璘卒軍中奔哭者數千人喧咽門屏秀實悉不 聽入命押矛馬頔治丧事於內李漢惠接賓客於外妻 人皆斬之下今曰後徙者族流言者刑遂徙於涇 理洋領島

近皆有定處違者以軍法從事都虞候史廷幹等謀因 瑾自潤州至視之曰不足畏也返顧外聚舉手大呼亂 非設喪從行者無得遠送致祭拜哭皆有儀節送喪遠 訓知訓將出走嚴可求回軍城有變公先棄東自去東 後梁吳宿衛將馬謙李球叔吳王登樓發庫兵討徐知 作亂秀實知之奏遣入宿衛分徙其黨補以外職 何依知訓乃止謙等陳於天與門外諸道副都統朱 軍府晏然

欽定四庫全書

卷五十九

|贼呼曰非吾龍驤之士乎誰為亂首晏球曰亂者惟李 | 胃乃出騎擊之次力死戰俄而賊潰走均王見騎兵擊 自 兵皆潰擒謙球斬之 こうし 王遣捉生都指揮使李霸帥所部千人戌楊劉其夕復 劉鄩既敗河南大恐鄩復不應召由是將卒皆搖心均 水門入大誤縱火剽掠攻建國門均王登樓拒戰龍 四軍都指揮使杜晏球以五百騎屯毬場見賊無甲 軍餘軍不動陛下但帥控鶴守宫城遲明臣必破 1.1. 埋床切峭

歐小女子給奏后叱之曰賊在近殺人敢妄言邪陰遣 忠使引卒入衛賊傷官嬪殿下聲徹帝所宦者以乳嫗 后皆親剪其髮曰以是徵賞故爭盡死力守忠兵至賊 從官顏秀等四人謀為亂夜入禁中越屋叩寢殿皇后 方侍帝間變遞起帝欲出后閉閣擁持趣召都知王守 之既而晏球討亂者闔營皆族之以功除單州刺史 宋仁宗将以閏月望夕復張燈皇后諫止之越三日 親 水踵後賊果舉炬焚簾水隨滅之是夕所遣官侍

欽定匹库全書

卷五十九

請付 懷敏夏竦與懷敏相結 こうし 就 宦官同 宗時 止降官領内職 嘉定變即 恣桀驁不受節度所至刼 擒滅詔領皇城司者皆坐斥 外臺窮治 賴於禁中丁度曰宿衛 利 州 所 都 統 部 因争於帝前帝從竦議由是 兵迎 如故 王夔素残悍 煙解筍的 欲曲庇之 謁班聲如 掠 號 蜀 有變事關社 事連副都知 雷 人苦之余 乃請御史 王夜义恃 江水為 1 玠 懷 與

縱弗 變獨患其握重兵居外謀於親 将楊成成曰今 旗幟精明舟中皆戰掉失色而 為憂宿衛士阿實克巴哈曰莫若先撫安諸 元世祖時 夜召獎計事潜以成代領其衆遊纔雖營而 班賞變退謂之曰儒者乃有此人於久欲 将以單騎入矣變至玠 誅養成其勢後一舉足西 蜀危矣玠意遂 西 11: 諸 王開納延反多從之者帝 斬之 玠自若也徐命

行之乃 為萬全 聞 聞之大 而 獨 大王等皆欲為納延 行 親 大王 納 天討 討之以 ٦Ĺ 計 延之 王 説 知 舆 納 則 黨金嘉多塔布 延 左 主 納 諸 叛者勢自孤矣帝曰善爾武為 上 許之於是諸 丞李庭等将 漢 延已遣使自 王 納 抗 と 活数編 耳大王 延曰大 外 應 仐 岱 何 歸 王 王 納延 閘 擁 軍 邪 ~ 不 謀皆 往 泉 納 曰不知也 用漢法以戰 號十 延 見 既 Ī 自歸 上 反 解市 自 邪 煉 曰

夜 李庭曰彼夜當遁耳乃 逼乘與帝 親麾諸軍團之 入其 帖 軍 雖 胡 多 床坐帖 格 繼之是以 爾將蒙古軍並進乃顏敗走追執之 而 陣 曰彼 東我寡當以疑 無紀 砲發果自潰散帝曰 格、 進 律 知 見車駕駐 其必遁遂命庭將漢軍伊 酒塔布岱按 引壯 納 士 此 退之於是帝 延 何 堅壁不 而 兵觇之不敢 餘 不戰必疑 ソン 知之庭 出司農 抱 火 張 有 砲 蓋 進 曰

欽定四庫全書 虞之患其餘以均分公侯伯子男使各有寧宇以順 上帝山川百神之祀以備百姓兆民之用以待不庭不 許曰昔我先王之有天下也規方千里以為甸服以供 晉文公既定周襄王于郊王勞之以地解請随馬王弗 以亂百度亦唯是死生之服物采章以臨長百姓而 天地無逢其災害先王豈有賴馬內官不過九御外官 九品足以供給神祇而已豈敢厭縱其耳目心腹 則 **医压干儿龄游期酶** 美

制天下自顧庸也而縮取備物以鎮撫百姓余一 有言曰改玉改行叔父若能光裕大德更姓改物以 叔父實應且憎以非余一 守府又不倭以勤叔父而班先王之大物以賞私德 物將自至余敢以私勞變前之大章以春天下其若先 流辟於裔土何辭之與有若猶是姬姓也尚將列為 重布之王何異之有今天降禍災於周室余一 以復先王之職大物其未可改也叔父其茂昭明德 人余 人豈敢有愛也先 人催亦 創 其

丹遷於商載祀六百商約暴虐丹遷於周德之休明雖 昔夏之方有德也遠方圖物貢金九牧鑄馬泉物百物 楚子伐陸渾之戎遂至於雒觀兵於周疆定王使王孫 **魅罔兩莫能逢之用能協於上下以承天休禁有昏德** 滿勞楚子楚子問鼎之大小輕重馬對曰在德不在鳥 而為之備使民知神姦故民入川澤山林不逢不若魁 余安能知之文公遂不敢請受地而還 王與百姓何何政令之為也若不然叔父有地而遂馬

次定四重任馬

經濟數的

ŧ

后兒子畜之笑曰顧而父知田耳若生而為王子安知 章為酒吏章自請曰臣將種也請得以軍法行酒高后 漢髙后立諸吕為三王擅權用事朱虚侯年二十有氣 回 衰天命未改與之輕重未可問也 金りで万人で 力忿劉氏不得職嘗入侍萬后燕飲萬后令朱虚侯劉 王定內於郊都下世三十十年七百天所命也周德錐 小重也其姦囬昏亂雖大輕也天祚明德有所底止成 可酒酣章進飲歌舞已而曰請為太后言耕田歌髙 巷 五十九

晉明帝時都鑒鎮合肥王敦忌之表為尚書今徵還道 謹行法斬之太后左右皆大驚業已許其軍法無以罪 立苗欲疏非其種者鋤而去之日后黙然頃之諸日有 劉氏為益殭 田乎章曰臣知之太后曰試為我言田章曰深耕概種 欠定四年公馬 也因罷自是之後諸吕憚朱虚侯雖大臣皆依朱虚侯 [姑孰與敦相見敦謂曰樂彦輔短才耳後生流宕言 醉亡酒章追拔剱斬之而還報日有亡酒 V 經濟對編 臣

違名檢考之以實宣勝滿武狄邪鑒曰擬人必於其倫 以死守之乎以此相方其不减明矣鑒曰丈夫既潔身 遂不復相見拘留不遣敦之黨與替毁日至鑒舉止自 同日而言敦曰愍懷廢徙之際交有危機之急人何能 彦輔道韻平淡體識冲粹處傾危之朝不可得而親疏 極固當存亡以之耳敦素懷無君之心聞鑒言大念之 及愍懷太子之廢可謂柔而有正武狄失節之士何 面義同在三豈可偷生屈節靦顏天壤邪茍道數終

十餘人 聲曰敕使反邪令屯軍如雲不戮力扞寇而遽欲脅天 欠巴马萨公野 子棄宗廟社稷而去非反而何朝恩驚沮而退事遂寢 若初無懼心敦謂錢鳳曰都道微儒雅之士名位既重 何得害之乃放還臺鑒遂與帝謀滅敦 唐魚朝恩欲奉代宗幸河中以避吐蕃恐羣臣論議不 何如公卿皆錯愕不知所對有劉給事者獨出班 旦百官入朝立班久之閣門不開朝思忽從禁軍 (操白刃而出宣言吐蕃數犯郊畿車駕欲幸河 經濟粉輪 抗

兒語邪甲士前曰先太師為國擊走朱滔血衣猶在此 至鎮庭湊拔刃弦弓以逆之及館甲士羅於庭庭湊言 至境更觀事勢勿遽入愈曰止君之仁死臣之義遂 能進深州圖益急朝廷不得已以廷湊為成德節度使 以尚書有將帥材故賜之節鉞不知尚書乃不能與健 以兵部侍郎韓愈為宣慰使韓愈既行衆皆危之詔愈 王庭湊圖牛元異於深州官軍三面救之皆以乏糧 所以紛紛者乃此曹所為非庭湊心愈属聲曰天子 Ĕ. 一十九 徃 不

i

濟師道其子孫有今尚存仕宦者乎田今公以魏博歸朝廷子 CACADINAL LIAM 宴禮而歸之未幾牛元異將十騎突圍出深州大將城平 不可棄之耳尚書何為圍之不置庭湊曰即當出之因與愈 凑何為愈白神策六軍之將如牛元異者不少但朝廷顧大體 悟李祐今皆為節度使汝曹亦聞之乎庭奏曰侍郎來欲使庭 孫雖其孩提皆為美官王永元以此軍歸朝廷弱鬼為節度使劉 善矣夫逆順之為禍福豈遠邪自禄山思明以來至元 軍何負朝廷乃以為賊乎愈曰汝曹尚能記先太即則 经济粉编 四土

今日則恐太速顯曰何謂速也可求回劉威陶雅李遇李簡 一僚嚴可求前密啟曰軍府至大四境多虞非公代之不可然 聲問曰嗣王已薨軍府誰當主之三問其應題氣色益怒幕 夾道及庭中堂上皆列白刃令諸将悉去衛從然後入類属 遣其黨紀祥等弑王於寝室許云暴薨颢集将吏於府庭 後深時淮南張顏徐温專制軍政弘農威王楊渥心不能 等舉城降庭凑責其人堅守殺平等将史百八十餘人 平欲去之而未能二人不自安共謀弒王分其地以臣於梁颢

金月四月子書

卷五十九

統既罷副都統朱瑾詣可求所居曰瑾年十六七即横戈躍馬 衛犯大敵未當畏惧今日對顯不覺 流汗公面折之如無人 正不敢奪逐奉威王弟隆演稱淮南留後東面諸道行營都 諸將宜無負楊氏善輔導之詞吉明切類氣色皆沮災義 氏教也大要言先王創業艱難嗣王不幸虽世隆演次當立 諸将孰敢不從罰點然久之可求因屏左右急書一紙置袖中麾 皆先王之等夷公今自立此曹肯為公下乎不若立幼主輔之 同列詣使宅質衆莫測其所為既至可求跪讀之乃太夫人史

欽定四庫全書 多詐不可不察檀尤惡之 宋張九成等皆言和議非計泰槍惡之九成紹與初舉進士 對策直言無隱及為刑部侍郎會金人議和九成言於趙門 九成日九成胡為異議特不可苟安耳檜曰立朝須優游委曲 所言則與之和使權在朝廷問罷相槍誘之四且成槍此事 乃知瑾匹夫之勇不及公遠矣因以兄事之 九戊曰未有枉已而能直人者高宗問以和議九戌對曰敵情 日金實原兵而張虚聲以撼中國耳因陳十事云彼誠能從吾

漢楚人相持未决丁壯苦軍旅老弱罷轉饟漢王項 自尊罪二項羽已救趙當還報而擅級諸侯兵入關 之項羽負約王我於蜀漢罪 |懷王約入秦無暴掠項羽燒秦宫室掘始皇帝塚私 與臨廣武之間而語項羽欲與漢王獨身挑戰漢 項羽曰始與項羽俱受命懷王曰先入定關中者 其財物罪四又彊殺秦降王子嬰罪五詐院秦子弟 問罪 四 則 項羽矯殺卿子冠軍 羽 罪

誅殘賊使刑餘罪人擊殺項羽何苦乃與公挑戰項羽 故主今臣下爭叛逆罪七項羽出逐義帝彭城自都之 江南罪九夫為人臣而弑其主殺已降為政不平主約 新安二十萬王其將罪六項羽皆王諸將善地而徙逐 王病創卧張良彊請漢王起行勞軍以安士卒母令楚 大怒伏弩射中漢王漢王傷宵乃捫足曰虜中吾指漢 奪韓王地弁王梁楚多自予罪八項羽使人陰弑義帝 不信天下所不容大逆無道罪十也吾以義兵從諸侯

欽定四庫全書

Ŧ

立旦果怨望大臣自以長子當立與齊王子劉澤等謀 見矣於是使使即斬其使者於闕下會武帝崩陷帝初 置之齊魯禮義之鄉乃置之燕趙果有爭心不讓之端 書請身入宿衛於長安孝武見其書擊地怒曰生子當 武帝年長老而太子不幸薨未有所立燕王旦使來上 乘勝於漢 Ray Diet Kithin 欲發兵事發覺當誅昭帝緣恩寬忍抑案不揚公卿 叛逆出言曰我安得弟在者令立者乃大將軍子也 經濟新編 四二

金月四月日 有正法王犯纖介小罪過即行法直斷耳安能宽王驡 屬籍先見王為列陳道昭帝實武帝子狀侍御史乃復 燕風喻之到熊各異日更見責王宗正曰主宗室諸劉 臣請遣宗正與大中大夫公户滿意御史二人偕往使 見王责之以正法問王欲發兵罪名明白當坐之漢家 子必内有異姓大夫所以正骨肉也外有同姓大夫所 王稱引古今通義國家大禮文章爾雅謂王曰古者天 以文法王意益下心恐公户滿意習於經術最後見 卷五

尚能寬王今天子始立年幼富於春秋未臨政委 之以法其後且復與左將軍上官 祭等謀及宣言 自 臣 任大臣古者誅罪不阿親戚故天下治方令大 以正異族也周公輔成王誅其兩弟故治武帝在時 曰我次太子太子不在我當立大臣 共 抑我云云 輔政奉法直行無敢所阿恐不能覚王王可 恐懼服罪叩 謹無自令身死國滅為天下笑於是燕王旦 颋 謝過大臣欲和合骨肉難傷

たらりはかい

經濟類編

野白

驚駭百姓乃苦將軍遠道至於窮國敢請強醢 從 義降者赦其罪復故不降者滅之王何處須以 漢 义 殺 過 事王肉 將 梅正行惡不變於是修法直 將 罪弓高候執金故見之曰王苦軍事願聞 國 軍光輔政與公卿大臣 除 弓鳥侯頹當遺膠西王印書曰奉詔誅不 袒 np 頭漢軍壁謁 議 曰臣 印奉法不謹 斷 曰燕王旦不改 行罰誅旦自

金好以及台灣

意 レン てこりる 唐僖宗 cp 恐其敗亂天下七國發兵且以 變更高皇帝法令侵奪諸侯地 王其自 發兵狀王順首膝行對曰今者電錯天子用事 聞 等謹以罷兵歸將軍曰王 非 欲 及未有記虎符擅發兵擊義國以此觀之 、誅錯也乃出部書為王 讀之讀之前 圖 LILL 加口 王曰 淮 南節度使馬縣無侍中罷其鹽鐵 3 如 **邛等死有餘** 經濟期編 肖 誅 以錯 印等以為不義 罪遂自殺 錯今聞錯己 不善何 밀도 不 日

起生東土劉氏復興即朝道之災宣獨往日今賢才在 坐擒無使百代有抱恨之臣干古留刮席之恥臣但慮 軍之 迷 用微臣 今之所用上至 僚顧雲草表自訴言解不遜其略 不思宗廟之焚燒不痛園林之開 運使縣既失兵柄又解利 內將崔安 潛在蜀倉騎豈二 儒士能戰 固 非 榝 帥 臣有員陛下姦 臣下及神将以 權 臣 攘袂大訴遣幕 未悟陛下 臣所料悉 曰是陛 毀王鐸债 强兵 下不 猶 可

多好四月全書

X

都統當權直言京北京西神策諸鎮悉在指揮之下可 從水倚仗之意一旦控告無門凝睇東南惟增悽側謝 過淮不出一兵襲逐奄殘京國首尾三年廣陵之師未 知董制之權而又貴作司徒祭為太尉以為不用如何 命鄭畋草詔切責之其略曰綰利則牢盆在手主兵則 野儉人滿朝致陛下為亡國之君此子等計將安出上 とこりこととう 離封部忠臣積望勇士與識所以握用元臣誅夷巨鬼 為用乎朕緣父付 卿兵柄不能翦荡元凶自天長漏網 經濟期編

虧自是貢賦遂絕 分所宜遵守未可墮陵朕雖沖人安得輕侮縣臣節既 知誰為魁首此朕於劉玄子嬰何太誣罔况天步未領 臣未悟之言何人肯認陛下猶迷之語朕不敢當卿尚 武将又謂宗廟焚燒園陵開毀龜玉毀櫝誰之過與姦 女破符里於淝水裴度平元濟於淮西未必儒臣不如 皇綱尚整三靈不昧百度俱存君臣之禮儀上下之名 不能縛黄巢於天長安能坐擒諸将卿云劉氏復與不

銀分四月全書

1

卷五十 九

禮懷遠以德德禮不易無人不懷齊侯修禮於諸侯諸 謂禮守命共時之謂信違此二者姦莫大馬公曰諸 禮與信屬諸侯而以姦終之無乃不可乎子父不奸之 鄭為内臣君亦無所不利馬齊侯將許之管仲曰君以 侯官受方物鄭伯使大子華聽命於會言於齊侯曰洩 盟于蜜母謀鄭故也管仲言於齊侯曰臣聞之招擔以 てこすえ 孔氏子人氏三族實遠君命若君去之以為成我以 不受叛人と則 7:15 经济勤编 华

盛德也君其勿許鄭必受盟夫子華既為大子而求 豈敢 以德 有討於鄭未捷令尚有釁從之不亦可乎對曰君若綏之 剑贞四月全書 於大國以弱其國亦必不免鄭有叔詹堵叔師叔三 侯以崇德也會而列姦何以示後嗣夫諸侯之會其 刑禮義無國不記記姦之位君盟替矣作而不記 加之以訓辭而帥 不懼若總其罪人以臨之鄭有辭矣何懼且夫合 可間也齊侯辭馬子華由是得罪於鄭 諸侯以討鄭鄭將覆亡之不暇 良 非

者誅之如應鸇之逐鳥雀也先君周公制周禮曰則以 Ð 公命與之邑曰今日必授季大子使司冠出諸竟曰今 ・ノニー ニー ハード 教行父事君之禮行父奉以周旋弗敢失隊曰見有 於其君者事之如孝子之養父母也見無禮於其君 於國僕因國人以弑紀公以其實王來奔納諸宣公 **必连公問其故季大子使大史克對曰先大夫城文** 紀公生大子僕又生季佗愛季佗而點僕且多行 经济期编 型

聖廣淵明允篤誠天下之民謂之八愷萬辛氏有才子 賊 掩賊為藏竊賄為盗盗器為姦主藏之名賴姦之用 孝敬則弑君父矣則其忠信則竊實王矣其人則盗 其器則姦兆也保而利之則主藏也以訓則昏民無 馬不度於善而皆在於凶德是以去之告高陽氏有 也孝敬忠信為吉德盜賊藏姦為凶德夫皆僕則 大凶德有常無赦在九刑不忘行父還觀甚僕莫可 人蒼舒價數樓戴大臨尾降庭堅仲容叔達齊 賊 其

多次四月全書

忠崇飾惡言靖蹈庸回服讒嵬愚以誣盛德天下之民 與比周天下之民謂之渾敦少與氏有不才子毀信廢 有不才子掩義隱賊好行凶德聰類惡物頑駡不友是 后土以揆百事莫不時序地平天成舉八元使布五教 美不隕其名以至于堯夷不能舉舜臣堯舉八愷使主 懿宣慈惠和天下之民謂之八元此十六族也世濟其 于四方父義母慈兄友弟共子孝内平外成昔帝鴻氏 人伯奮仲堪叔獻李仲伯虎仲熊叔豹李雅忠肅共 濟額編

敦窮竒檮机饕餮投諸四裔以樂魑魅是以堯崩而 民以比三凶謂之饕餮舜臣堯賔於四門流四凶族渾 盈厭聚飲積實不知紀極不分孤寡不恤窮匱天下之 縉雲氏有不才子貪於飲食目於貨賄侵欲崇侈不可 机此三族也世濟其凶增其惡名以至於堯堯不能去 則頑含之則器傲狠明德以亂天常天下之民謂之棲 同心戴舜以為天子以其舉十六相去四凶也

| 欽定匹庫全書

謂之窮竒顓項氏有不才子不可教訓不知話言告之

卷五十九

我甚矣為我子之色今日必授無逆命矣里革遇之而 文子曰夫替大子不憚以吾故殺其君而以實來其受 首大子僕殺紀公以其實來奔宣公使僕人以書命季 古人去一凶矣於舜之功二十之一也庶幾免於戾乎 無凶人也舜有太功二十 而為天子令行父雖未獲 納于百揆百揆時序無廢事也曰賔于四門四門榜穆 故虞書數舜之功曰慎徽五典五典克從無違教也曰 更其書曰夫苔大子殺其君而竊其實來不識窮固又 煙再開锅

復命公詰之僕人以里革對公執之曰違君命者女亦 求自邇為我流之於夷今日必通無逆命矣明日有司 邾 庶其以涤問丘來奔季武子以公姑姊妻之皆有賜 使君為臧姦者不可不去也臣違君命者亦不可不殺 則者為賊掩賊者為臧竊實者為軟用軌之財者為姦 也公曰寡人實貪非子之罪也乃舍之 聞之乎對曰臣以死奮筆奚啻其聞之也臣聞之曰毀 其從者於是魯多盗季孫謂臧武仲曰子盍詰盜武

欽定匹庫全書

好與其大邑其次早牧與馬其小者衣裳劔帶是賞盗 也賞而去之其或難馬紅也聞之在上位者洒濯其心 何故不可子為司冠將盜是務去若之何不能武仲 2: Tim 統去之將何以能庶其竊邑於邾以來子以姫氏妻 召外盗而大禮馬何以止吾盗子為正卿而來外盗 而與之邑其從者皆有賜馬若大盗禮馬以君之 口不可詰也然又不能季孫曰我有四封而詰其盗 1111 軌度其信 可明徵也而後可以治人夫上 经海勒的 日

禁乎 諸叔向曰好惡不愆民知所適事無不濟或以吾城 左右曰師徒不勤而可以獲城何故不為穆子曰吾聞 晉荀吳即師伐鮮虞園鼓鼓人或請以城叛移子弗 所為民之歸也上所不為而民或為之是以加刑罰 吾所甚惡也人 不懲若上之所為而民亦為之乃其所也 **賞是失信也何以成民力能則進否則退** 以城來吾獨何好馬實所甚惡若所好 許 D

金贝四月全書

卷五十

邑以賈怠不如完舊賈怠無卒棄傷不祥鼓人能事其 君我亦能事吾君率義不典好惡不愆城可獲而民知 事君穆子曰吾以事君也獲一邑而教民怠將馬用邑 食色姑脩而城軍吏曰獲城而弗取勤民而頻兵何以 義所有死命而無二心不亦可乎鼓人告食竭力盡而 しいている アナー 力而行吾不可以欲城而邇姦所丧滋多使鼓人 取之克鼓而及不發 而繕守備園鼓三月鼓人或請降使其民見曰猶有 經 濟粉編 至 叛 養馬尉弘川上平凉阪萬騎級回中怒氣直辭不三日 蕃之境四面各萬里失一 狀事下尚書省集百官議皆請如德裕策牛僧孺曰吐 約罷戌兵中國禦戎守信為上彼若來責曰何事失信 怛謀請降盡帥其衆奔成都德裕遣兵據其城具奏其 肚者千人募北兵得千五百人與土兵參居轉相訓習 唐文宗時李德裕簡蜀兵羸弱者去四千餘人復募少 日益精練所作兵器無不堅利至是吐著維州副使悉 維州未能損其勢比來修好

金贝四月全港

境上極其慘酷德裕由是怨僧孺益深 棄誠信有害無利此匹夫所不為況天子乎上以為然 **髙麗將趙位寵以四十餘城叛附金金主曰朕懷綏蒕 鉛德裕以其城及悉怛謀等悉歸之吐蕃吐蕃誅之於** 邦豈助叛臣為虐執其使付高麗位寵伏誅 至咸陽橋此時西南數千里外得百維州何所用之徒 ·/.) ... / 經濟額編 季

銀定匹庫全書 濟類編卷五十九 卷五十九

- --- ..